


Komentar monetarnih kretanja u februaru 2022. godine

Ukupna novčana masa (M2) na kraju februara 2022. godine iznosila je 31,47 milijardi KM, na mjesečnom nivou registrovan je pad novčane mase za 141,2 miliona KM (0,5%). Smanjenje novčane mase (M2) u februaru 2022. godine rezultat je smanjenja kvazi novca (QM) za 191,4 miliona KM (1,4%) i blagog povećanja novca (M1) za 50,2 miliona KM (0,3%). Do povećanja novca (M1) je došlo usljed značajnog porasta gotovine izvan banaka za 196,6 miliona KM (3,6%) i smanjenja prenosivih depozita u domaćoj valuti za 146,4 miliona KM (1,2%). Smanjenje kvazi novca (QM) rezultat je pada prenosivih depozita u stranoj valuti za 52,4 miliona KM (1,5%), ostalih depozita u domaćoj valuti za 74,1 milion KM (2,4%) i ostalih depozita u stranoj valuti za 64,9 miliona KM (0,9%).

Na godišnjem nivou, porast novčane mase (M2) u februaru 2022. godine iznosio je 2,8 milijardi KM (9,8%). Rast je ostvaren kod gotovine izvan banaka za 612,9 miliona KM (12,1%), prenosivih depozita u domaćoj valuti za 1,96 milijardi KM (19,0%), ostalih depozita u domaćoj valuti za 13 miliona KM (0,4%), prenosivih depozita u stranoj valuti za 402,2 miliona KM (13,4%), uz istovremeno smanjenje ostalih depozita u stranoj valuti za 166,3 miliona KM (2,3%).



Protustavka smanjenju novčane mase (M2) na mjesečnom nivou u februaru 2022. godine u iznosu od 141,2 miliona KM (0,5%) je pad neto strane aktive (NSA) za 262,7 miliona KM (1,4%) i rast neto domaće aktive (NDA) za 121,5 miliona KM (1,0%). Porast novčane mase (M2) na godišnjem nivou od 2,8 milijardi KM (9,8%) rezultat je rasta neto strane aktive (NSA) za 2,8 milijardi KM (17,3%) i neto domaće aktive (NDA) za 15,1 miliona KM (0,1%).

Monetarni pregled

	Stanje u mil. KM II 2022	Mjesečne promjene u mil. KM			Godišnje stope rasta u %		
		XII 2021	I 2022	II 2022	XII 2021	I 2022	II 2022
Aktiva							
1. Neto strana aktiva	18.997,4	-61,0	143,7	-262,7	19,4	19,6	17,3
1.1. Strana aktiva	20.849,0	66,2	54,4	-270,8	14,9	15,3	13,5
1.2. Strana pasiva	-1.851,6	-127,2	89,3	8,1	-16,2	-15,9	-14,7
2. Neto domaća aktiva	12.471,2	512,4	-49,6	121,5	1,3	0,3	0,1
2.1. Potraživanja od centralne vlade (neto), kantona i općina	-196,8	82,3	21,2	3,0	-173,2	-136,8	-136,7
2.2. Potraživanja od domaćih sektora	19.995,1	22,6	-127,8	135,6	3,8	3,8	4,0
2.3. Ostale stavke	-7.327,1	407,5	57,0	-17,0	0,7	-0,8	0,3
Pasiva							
1. Novčana masa (M2)	31.468,5	451,4	94,1	-141,2	11,6	11,2	9,8
1.1. Novac (M1)	17.916,8	514,0	-61,0	50,2	19,1	17,6	16,7
1.2. Kvazi novac (QM)	13.551,7	-62,6	155,1	-191,4	3,0	3,9	1,9

Kreditni

Ukupni krediti domaćim sektorima na kraju februara 2022. godine iznosili su 21,05 milijardi KM i u odnosu na prethodni mjesec povećani su za 119,1 milion KM (0,6%). Rast kredita registrovan je kod sektora stanovništva za 41,6 miliona KM (0,4%), privatnih preduzeća za 86,2 miliona KM (1,0%) i javnih preduzeća za 7,4 miliona KM (1,5%). Pad kreditnog rasta na mjesečnom nivou je zabilježen kod vladinih institucija za 14,6 miliona KM (1,3%) i ostalih domaćih sektora za 1,5 miliona KM (0,9%).

Godišnja stopa rasta ukupnih kredita u februaru 2022. godine iznosila je (3,7%), nominalno 746,7 miliona KM. Godišnji rast kredita registrovan je kod sektora stanovništva za 542,5 miliona KM (5,5%), privatnih preduzeća za 191 milion KM (2,2%), vladinih institucija za 9,2 miliona KM (0,8%) i ostalih domaćih sektora za 17,8 miliona KM (11,9%). Smanjenje kreditnog rasta na godišnjem nivou registrovano je kod nefinansijskih javnih preduzeća za 13,8 miliona KM (2,6%).

Sektorska struktura kredita u BiH

	Stanje u mil. KM II 2022	Mjesečne promjene u mil. KM			Godišnje stope promjene u %		
		XII 2021	I 2022	II 2022	XII 2021	I 2022	II 2022
Ukupno	21.053,7	22,2	-142,7	119,1	3,6	3,5	3,7
Od toga:							
Stanovništvo	10.440,6	-5,6	-36,6	41,6	5,5	5,3	5,5
Privatna preduzeća	8.781,5	15,0	-81,4	86,2	2,2	2,2	2,2
Vladine institucije	1.150,9	4,3	-14,7	-14,6	1,6	0,8	0,8
Javna preduzeća	513,9	-1,4	-4,2	7,4	-4,7	-3,9	-2,6
Kreditni ostalim domaćim sektorima	166,9	9,9	-5,7	-1,5	4,0	7,8	11,9

Devizne rezerve

Devizne rezerve Centralne banke BiH na kraju februara 2022. godine iznosile su 16,34 milijarde KM. U odnosu na prethodni mjesec, devizne rezerve Centralne banke BiH su smanjene za 102,4 miliona KM (0,6%), dok je na godišnjem nivou registrovan porast za 2,67 milijardi KM (19,5%).